

Uppgjör Nýherja hf. fyrir fyrsta ársfjórðung 2010

Helstu niðurstöður fyrir fyrstu þrjá mánuði ársins 2010

- Heildartekjur samstæðunnar námu 3.509 milljónum króna og eru svipaðar og í fyrsta ársfjórðungi 2009.
- EBITDA í ársfjórðungnum nam 35 milljónum króna, en heildartap tímabilsins er 130 milljónir króna.
- Jákvæð EBITDA er af innlendum rekstri, en erlend starfsemi er í járnnum.
- Applicon A/S gerði mikilvægan þriggja ára samning að fjárhæð 1,8 milljarða króna, sem tryggir góða afkomu af erlendri starfsemi á árinu. Tap var á rekstri Applicon að upphæð 32 mkr í fyrsta ársfjórðungi, en útlit fyrir ágætan hagnað út árið.
- Fjárhagsstaða félagsins verður styrkt á næstunni m.a. með hlutafjárukningu og sölu eigna.

Þórður Sverrisson, forstjóri:

„Rekstrartekjur af innlendri starfsemi Nýherja jukust um 3% frá fyrsta ársfjórðungi í fyrra og EBITDA batnaði um nær 65 milljónir. Vörusala hefur vaxið um nær fjórðung frá sama ársfjórðungi í fyrra ári og jafnvægi er að nást í hugbúnaðarráðgjöf og þjónustu.

Stórir samningar Applicon A/S bættu rekstrarafkomu erlendu starfseminnar í lok ársfjórðungsins. Halli af rekstri þess félags síðustu tvo ársfjórðunga er samtals 125 mkr, en samningarnir treysta góða afkomu næstu misseri.

Horfur um rekstrarafkomu félagsins eru nú jákvæðar, í kjölfar umfangsmikilla aðgerða sem ráðist hefur verið í hérlandis til að lækka kostnað, laga rekstur að markaðsaðstæðum og ná mikilvægum samningum hérlandis og erlendis.

Meginverkefni Nýherja næstu mánuðina er að tryggja fjárhagslega stöðu félagsins og liggja nú fyrir tillögur stjórnar til viðskiptabanka félagsins um ráðstafanir til að ljúka fjárhagslegri endurskipulagningu þess með m.a. hlutafjárukningu og sölu eigna.“

Rekstrarniðurstaða á fyrsta ársfjórðungi 2010

Fjórðungsyfirlit – Lykiltölur	Upphæðir í þús. króna				
	F1 2010	F4 2009	F3 2009	F2 2009	F1 2009
Seldar vörur og þjónusta	3.508.965	3.993.511	3.301.404	3.479.234	3.558.212
Vörunotkun og kostnaður við selda þjónustu	(1.501.775)	(2.012.073)	(1.369.377)	(1.457.235)	(1.516.692)
Vergur hagnaður	2.007.190	1.981.438	1.932.027	2.021.999	2.041.520
Laun og launatengd gjöld	(1.512.639)	(1.559.492)	(1.356.518)	(1.601.522)	(1.562.913)
Rekstrarkostnaður	(529.198)	(741.244)	(526.670)	(768.794)	(531.014)
(Rekstrartap) hagnaður - EBIT	(31.112)	(316.285)	52.080	(342.101)	(50.695)
Hrein fjármagnsgjöld	(77.810)	(163.383)	(171.361)	(256.739)	(75.819)
Tap tímabilsins fyrir tekjuskatt	(108.922)	(479.668)	(119.281)	(598.840)	(126.514)
Tekjuskattur	6.819	32.766	(1.700)	(84.431)	16.416
Tap tímabilsins	(102.103)	(446.902)	(120.981)	(683.271)	(110.098)
EBITDA	34.952	(52.851)	107.374	(108.903)	(7.827)
EBITDA hlutfall	1,00%	(1,32%)	3,30%	(3,13%)	(0,22%)
Rekstrarliðir færðir beint á eigið fé	(28.333)	(61.059)	14.068	771.134	(48.788)
(Heildartap) hagnaður	(130.436)	(507.961)	(106.913)	87.863	(158.886)
Meðalfjöldi stöðugilda	579	607	631	649	676

Sala á vöru og þjónustu nam 3.509 mkr á fyrsta ársfjórðungi, samanborið við 3.558 mkr á sama tímabili árið 2009. Tekjur hafa dregist saman um 1,4% frá fyrsta ársfjórðungi 2009.

Laun og launatengd gjöld námu 1.513 mkr en voru 1.563 mkr fyrir sama tímabil 2009. Heildarfjöldi stöðugilda í lok tímabilsins var 567 en var 662 á sama tíma í fyrra. Launakostnaður innanlands hefur lækkað um 103 mkr frá því á fyrsta ársfjórðungi 2009. Laun starfsmanna erlendis hafa hækkað um 51 mkr vegna gengisbreytinga milli fyrsta ársfjórðungs 2009 og 2010.

Rekstrarkostnaður var 529 mkr á fyrsta ársfjórðungi en var 531 mkr á sama tíma á árinu 2009. Rekstrarhagnaður fyrir afskriftir, fjármagnsliði og skatta - EBITDA – var 35 mkr á tímabilinu en EBITDA var neikvæð um 8 mkr á sama tímabili fyrir árið 2009.

Hrein fjármagnsgjöld voru 78 mkr í samanburði við 76 mkr á fyrsta ársfjórðungi 2009. Heildartap í fjórðungnum nam 130 mkr en heildartap á fyrsta ársfjórðungi í fyrra nam 159 mkr.

Efnahagsreikningur 31.03. 2010 – Lykiltölur		
Upphæðir í þús. Króna		
	31.03. 2010	31.12. 2009
Fastafjármunir	6.098.684	6.173.554
Veltufjármunir	3.290.596	3.421.368
Eignir samtals	9.389.280	9.594.922
Eigið fé	1.133.545	1.263.981
Langtímaskuldir	1.192.030	1.526.221
Skammtímaskuldir	7.063.705	6.804.720
Eigið fé og skuldir samtals	9.389.280	9.594.922

Heildareignir í lok tímabilsins voru 9.389 mkr samanborið við 9.595 mkr í lok ársins 2009. Langtímaskuldir hafa lækkað frá árslokum úr 1.526 mkr í 1.192 mkr. Skammtímaskuldir hafa hækkað frá árslokum úr 6.805 mkr í 7.064 mkr. Vaxtaberandi skuldir námu 5.484 en voru 5.537 mkr í ársbyrjun 2010. Eigið fé í lok mars 2010 var 1.134 mkr og er eiginfjárhlutfall nú 12,1% en var 13,2% um síðustu áramót.

Yfirlit yfir rekstur á fyrsta ársfjórðungi

Ágætt sala var í miðlægum vélbúnaði, einkum í IBM netþjónum og -geymslulausnum hjá móðurfélagi Nýherja hf. Þá jókst sala á APC búnaði fyrir kerfissali. Einnig var vaxandi eftirspurn eftir fartölvum og samskiptalausnum, svo sem fundarsímum og fjarfundarbúnaði. Aukna eftirspurn má rekja til vaxandi þarfa fyrirtækja til fjárfestinga í vél- og hugbúnaði sem slegið hafði verið á frest vegna efnahagsóvissu.

Sala á einstaklings- og fyrirtækjamarkaði hefur verið ágæt hjá Sense ehf., sem sérhæfir sig í hljóð- og myndlausnum. Verkefnahorfur fyrir annan ársfjórðung eru góðar.

Tap var á starfsemi tækni- og rekstrarþjónustufyrirtækisins Skyggis ehf. Ráðist var í rækkun starfsmanna og umfangsmiklar breytingar á rekstri félagsins í ársbyrjun með það að markmiði að auka hagkvæmni og einfalda skipulag með þarfar viðskiptavina í huga.

Innlendur hugbúnaðarhluti Nýherja samstæðunnar hefur náð að laga rekstur að nýjum markaðsaðstæðum. Jákvæð EBITDA hefur náðst síðustu þrjá ársfjórðunga og eftirspurn eftir hugbúnaðarverkefnum hefur vaxið. Horfur næstu misseri eru viðunandi. Rekstur TM Software ehf. er í samræmi við áætlun vegna aukinna verkefna og hagræðingar í rekstri. Rekstur EMR heilbrigðislausna ehf., sem sérhæfir sig í heilbrigðistengdri upplýsingatækni, gengur samkvæmt áætlun. Viðunandi hagnaður var af rekstri Applicon ehf. Verkefni hjá Applicon voru færri erlendis en í lok síðasta árs, en þó hafa skapast ný tækifæri sem geta bætt afkomu það sem eftir er árs. Megin verkefni Vigor ehf. á fyrsta ársfjórðungi fólust í uppfærslu á hugbúnaði viðskiptavina vegna breytinga á skattaumhverfi, en afkoma félagsins var undir áætlun í ársfjórðungnum.

Starfsemi Nýherja hf., Skyggis ehf., TM Software ehf., EMR heilbrigðislausna ehf. og Viðju ehf. var flutt úr Urðarhvarfi 6 í Kópavogi í Borgartún 37 í Reykjavík í mars síðastliðnum og er meginhluti samstæðunnar á Íslandi nú á einum stað.

Rekstur Applicon A/S í Danmörku var þungur fyrstu tvo mánuði ársins. Samningur að fjárhæð 1,8 milljarður um innleiðingu á SAP viðskiptahugbúnaði fyrir Region Hovedstaden, stjórnsýsluumdæmi sem annast heilbrigðisþjónustu fyrir 29 sveitarfélög á Kaupmannahafnarssvæðinu og á Norður-Sjálandi, tryggir nú góða verkefnastöðu og jákvæða afkomu félagsins næstu misseri þrátt fyrir áframhaldandi óvissu í dönsku efnahagsumhverfi. Samningur við dönsku ríkisjárnbrautirnar (DSB) um SAP ráðgjafarþjónustu styrkir félagið enn frekar.

Afkoma Applicon í Svíþjóð er stöðug og í takt við áætlanir. Ágætur vöxtur er á starfsemi félagsins. Meðal nýrra viðskiptavina má nefna Póstin í Svíþjóð og fjármáladeild TeliaSonera. Þá var gerður nýr samningur við SE bankann. Horfur eru ágæt, einkum í ljósi efnahagsbata í Svíþjóð eftir niðursveiflu árið 2009.

Rekstur Dansupport A/S í Danmörku var í jafnvægi við áætlun á fyrsta ársfjórðungi en félagið hefur leitað nýrra leiða í sölu- og markaðsstarfi. Verkefnahorfur fyrir annan ársfjórðung eru ásættanlegar.

Horfur

Á innlendum markaði hefur EBITDA verið jákvæð og stöðug síðustu þrjá ársfjórðunga og horfur á batnandi afkomu til ársloka. Stórir samningar hjá erlendum dótturfélögum treysta betur rekstur þeirra. Því er gert ráð fyrir að EBITDA hagnaður samstæðunnar verði viðunandi á árinu.

Fjárhagsdagatal fyrir 2010:

Áætluð birting árshlutauppgjors fyrir árið 2010.

23. júlí	Hálfsársuppgjör
22. október	Níu mánaða uppgjör
28. janúar 2011	Ársuppgjör

Samþykkt árshlutareiknings

Árshlutauppgjör fyrir fyrsta ársfjórðung 2010 var samþykkt á stjórnarfundum Nýherja hf. 28. apríl 2010. Árshlutauppgjör Nýherja hf. er gert í samræmi við alþjóðlega reikningsskilastaðla (IFRS-International Financial Reporting Standards). Þýðingarmunur erlendra dótturfélaga er tilgreindur í yfirliti um heildarafkomu árshlutareiknings í samræmi við ákvæði alþjóðlega staðalsins. Árshlutauppgjörið hefur hvorki verið endurskoðað né kannað af endurskoðendum félagsins.

Nánari upplýsingar

Nánari upplýsingar veitir:

Þórður Sverrisson, forstjóri Nýherja, í síma +354 893 3630.

Nýherji hf.

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Félög Nýherja samstæðunnar í rekstri eru 19 bæði hér heima og erlendis og er heildarfjöldi stöðugilda 567. Hlutabréf Nýherja hf. eru skráð í OMX Kauphöll Íslands.

Stjórn Nýherja: Benedikt Jóhannesson, stjórnarformaður, Árni Vilhjálmsson og Guðmundur Jóh. Jónsson. Þórður Sverrisson er forstjóri Nýherja.